

文苑英華卷第五百五十六

表四

封禪

勸封禪表二首

宰相請封禪表二首

賀封禪表二首

代赤縣父老勸封禪表二首

請許王公百官封太山表一首

明堂

代宗奉御賀明堂成表一首

代百官賀明堂成上禮表一首

封禪

勸封禪表

許敬宗

臣某等言臣緬尋三古縱觀百王裁玉牒之靈文酌金繩

之雅誥稽諸列辟用考當今徵天意於禎機類表作昭昭

乎溢目察人心於謠詠洋洋乎盈耳參三才之奧蹟驗百

神之感通諒可出震登封申明聖政乘春告禪仰答玄功

而睿旨謙冲固遠僉願徇茲小讓淹斯大典臣等愚思竊

所未喻臣某等誠惶誠恐頓首頓首死罪死罪臣聞崇高

不極至哉乾象之尊博厚無涯大夫坤靈之德若乃代兩

儀以亭育體覆燾類表之無私法四序以平分運陰陽而

不測者非聖人孰能與於此乎是以天道會昌靈命類表

數係於元后帝圖昭格禋禮歸於昊一作穹鴻名列乎三

大廣運由乎一體齊明合德抑斯之謂歟粵自生民肇興

司牧朱襄皓英之日黃軒肩天之世莫不雷鼓振饗節萬

舞一作於雲門大路脂輪籍千藁於羸里使夫空桑孤竹

仰鈞天而合奏十碑再累齊厚地以相終斯道既行遂一作

常為稱首奉天之務義極於茲伏惟皇帝陛下陶冶生靈

雕鏤品彙立四維於草昧再造寰區射九日之流金鬱興

精耀德淪垓表功凝帝先於是戶牖三光提封六合不言

而化寒炎燧之菁華無為可測類表軼堯舜之文軌故已

道光紫極慶溢玄類表元豈與夫七十二君可齊年而語

美是以圓精朗鑒瞻欽明之同德方祗効祉祚至仁之比

義馳薰風而驛膏露靈心急於置郵驟澤馬而鷺山車神

物切於推轂上帝之性類表已見天人之際乃交推之一作

而不居疇克與一作讓臣等中謝臣又聞之太岳臨雲登

而

其峰而小天下岱宗零雨不崇朝而彌海內信天地之關
 鍵為人祗之會同雖復稽社分區云亭允峙陰崖俯禪猶
 或多途陽嶠乾封必歸斯境自九皇而發迹歷萬代而無
 差曩者帝道浸微淳風不競南茅北秬綿百世而寂寥升
 中告成歷千祀而溷墜使太山靡紀梁甫曠巡復盛一作庶復
 禮於休明企來蘇於肆覲大夫之樹傾柔莢以望塵仙人
 之閭聳危峰而佇眙中外提福幽明會徵敬候翠華之旗
 紀號青類表作正非陽之日實望土夙恭儲祉仰副元符召圓冠
 微博帶緝無懷之逸憲採夷八吾之舊文式道揚鑿錯事介
 丘之表飛英騰茂展采日艱之前闡絕代之丕業盡天子
 之能事榮貺類表作鏡融乎往初尊號類表作名洽乎區有則懷生
 之類冠帶之倫其夕死於朝聞傾朝野而相賀接萬齡於
 旦暮亦何樂以如之臣等預在普天成蒙大造叫帝閣而
 引領佇神儀之改容昧死干陳期於獲命不任控款之至
 謹詣闕奉表以聞

同前

上官儀

臣某等言臣聞乾元惟大播四序而無言坤儀蓋厚寧萬
 象而復一作得一至於號均三大體覆載以曲成聖表千齡
 順剛柔以藏用是以可久可大永固皇王之緒貞觀一作
 貞明獨照陶鈞之上故可登封泰嶽類帝以尊天降禪肅
 然禋宗以厚地伏惟陛下膺圖紹一作受錄儀天纂鏡受昭
 華而光寶位正璣衡而握金符銷伏螯而綴上玄剪應龍

而清下瀆於是靈臺偃伯暢轂埋輪刑政肅一作清削秋

荼之繁蕪一作雅頌雅頌一作光先烈激圓海之漪瀾就月幽覃

則燭龍開景薰風遠暢則蟠木增華沒羽浮金之章昭載

筆於仙室帝講卉一作之首襲長纓於蘭綺九疇式序

七德攸宣發神化之一作丹青敷禮義之粉澤既而睿德

潛通至誠冥召楨圖載啓神物發揮雙絡呈班馴擾於君

囿九芝獻彩燭耀於帝池大史標祥鏡流千里卿雲表貺

凝華五色江茅鄙黍歲時鱗萃東鰈西鸚日月波屬鴻符

巨慶疇可詳言誠迺岱郊佇遂云堦望躡一作某等誠惶誠

恐死罪死罪永言遐載緬鏡前徽王迹一作之所葳蕤帝

圖之所凝遠龍官結繩之后鳥紀垂衣之君治定功成俱

備升中之禮塵清海晏咸申謁款之誠異世同符千載

揆諒以增高益厚式酬靈睠陛下德一作光宙始文一作

煥震初簾羅而因一作萬物典裒而濟下一作元鎔範生

靈張四維於地絡締構函夏建八柱於玄樞宏規絕跡功

無與二駕三五而遙集超八九而騰驤加以璇曆啓一作

躔南至於朔旦金鼓問罪削左袵於交河固可恭柴燎

之展采穆靈壇之禋敬焉得徇小節於冲挹忘至公之鴻

典絕三神之歡拒萬方之志雖復翹心天路未留三舍之

感延佇帝閣一作逾邈一作九霄之望伏惟一作陛下紆

瑤池之渺轡屈姑射之凝神酌令典於中樽遵時邁於羸

里採公卿之嘉議覽搢紳之謹辭逸記重甄頽章再紐詔

兩師以先路命風伯以清塵六飛案軌九旗齊列榮光承
 幘非煙翼衡輯瑞而嘉肆觀瘞玉而恭儲祉一作禮非方使日
 觀增華仙閣改飾神光霄映若流照於春陵雲色盡開似
 凝暉於豐谷表咸池於翠岳一作奏咸萬歲叶其殷薦席
 藁一作祖非秭於紫壇八神歆其明祀籠千古之偉觀孕七百
 之不業臣等命與時偕濯景昌運優游渠閣之內怙悵南
 風之絃棲息蓬山之阿弋釣先皇之道至於朝猷國紀頗
 踐奧隅陛下推而不居竊所未喻鬱云梁之典缺懷庭之
 儀沮神主之欲漏貪天之議伏願杲其日出照其一無其字傾
 陽之心一作正油然作雲降其一無其字離畢之澤庶使飛英騰
 茂秘玉檢而遐傳手舞足蹈扈翠華於喬嶽云一作唐類表

宰相請封禪表

蔣欽緒

侍中臣乾曜中書令臣說等言臣聞自古受天命居大寶

者必登嵩高之嶽行封禪之事所以展誠敬報神祇三五
 迄今未之闕也是以高宗因文武之業盛岱亭之禮方冊
 所記虞夏同風聖穆三朝年經五紀封崇之典缺而未備

會要山川望幸屬在今日陛下靖多難遵諸先朝天所

啓也承天統臨萬邦天所命也馬得會要不陟東嶽禪會

作云亭報上玄之靈恩紹高宗之鴻烈則天地之意宗廟

之心將何以克厭哉且陛下即位以來十有四載創九廟

禮二郊大舜之孝敬也叙會要九族友兄弟文王之慈惠

也卑宮室非飲食夏禹之恭儉也道稽古德日新帝堯之

文思也憐黔首惠蒼生成湯之深仁也化玄漠風大和軒
皇之至理也至如日月星辰類表山河草木羽毛鱗介窮

會要作嘉 祥極瑞蓋以荐至而為常眾諸本多而不錄正以天

平地成人和歲稔可以報於神明矣鴻生碩儒上章奏而

請封禪者前後千百會要作數 聖情撫挹天鑒未廻臣等仰考

聖會要作神 心傍採眾望封巒一作展禮時不可抑陛下縱不

欲以成功告天豈不以天休報德臣等昧死上請以聞

再請封禪表

前人

臣乾曜說等言臣等考天人之際稽億兆之性以為理定

功成登封告禪鴻名盛則屬在聖明陛下讓德冲深未允

群請神祇歛望臣等懼焉且今四海和平百蠻率職莫不

合道德之其實喚仁義之馨香一作是以上帝聿懷名山

望幸珍符荐委一作委至 年敕屢登開闢已來未之有也臣聞

自古受命而封禪者七十二君安有殊風絕業以方今一作

相也然猶躡梁甫登太山飛英聲騰茂實而陛下功德之

美符瑞之富固以孕虞夏舍一作殷周有何退讓逡巡於

大禮哉夫昭報天地至敬也嚴配祖宗大孝也厚福蒼生

博惠也發策紀號丕業也陛下安可以闕哉天地之符彰

矣祖宗之靈著矣蒼生之望勤矣禮樂之文備矣陛下安

可以辭哉故臣等願因神祇之叶贊順華夏之懇誠早稽

舊章特降明詔庶及仲春農桑之隙以展巡狩肆覲之儀

則天下幸甚一作皆唐類表

賀封禪表

蘇頌

臣頌等言伏以升中禮旋降禪云一作始五玉既輯萬方

胥賴臣等中賀臣聞封太山至梁甫天下之壯觀王者之

丕業伏惟開元神武皇帝陛下以天覆之大地容之厚車

書不及而來王日月所臨而奉朝周年七百未可語於期

運漢里三萬曾何校於提封大和浹區寓榮祝彌川陸將

辭上帝之休靡抗鴻儒之議式考南至之度爰備東巡之

禮列戎夷之君長聚華夷之玉帛惠化潛翕納人歡以錫

符淳風外流奉天符以行事遂登日觀拜雲封泥瑞芝檢

珍玉導以六穗之禾犧以雙輅絡之獸茅黍畢陳鷄鰈咸在

六宗起典則百神之禮具群臣一作克庭則肆覲之儀滄

乃藏秘冊昭尊名山稱歲以效祥乘温以儲祉而叶同之

令再造於黔黎增廣之仁更張於品物歸功當格於藝祖

致美未延於岱宗斯所謂皇哉唐哉唐哉皇哉者也臣等

不勝大慶謹奉表稱賀以聞臣頌等無任

同前

崔融

臣某等言伏奉某日詔書有某年月日有事於中嶽恭聞

大禮不勝欣抃臣聞巡狩者何觀人風而叶時月封禪者

何增天高而益地厚然則聖帝臨下必有玉帛萬國之事

焉明王在上必有柴望百神之禮焉伏惟天皇御寶位膺

璿曆宅顥氣以開元鼓淳風以成化宗文祖武之業天祚

彌光制禮作樂之功皇猷載遠四方無事不聞犬吠於中

在

國六合同歸唯睹鴈行於道路恩周動植德洞淪冥東魚
西鳥不召而自至玄柜黃楚應圖而合牒高維中嶽洛陽
下都三臺崛起五衢相映風雨交會實惟天地之中威靈
肅然固是神明所伏可以光昭累聖可以謁款上玄展時
邁於仙宮叶歲巡於福地象天之道備法駕而非遙望君
之來因名山而有日臣等飲一作和昌運冒寵崇班用雖
徵於犬馬情諒兼於鳥獸三呼在聽欣承漢后之儀群議
不行竊鄙晉皇之德限以官守不獲稱賀一作軒墀無任
悚踴之至謹附某奉表申賀以聞

代赤縣父老勸封禪表

陳子昂

臣某等聞帝功既大必昭告於上玄元首一作命一作攸尊必升

封於厚載故七十二主能恢萬代之規三五六經以為百
王之典伏惟陛下集作天受命握紀登樞包括乾坤之
靈亭毒神明之化故能開天寶闡地珍温洛所以升圖榮
河由其薦蘇群神既贊衆瑞交馳謳歌於是大歸禮樂以
致咸備陛下仰順天意允答神休垂顯號以居宸建明堂
而理物百僚惟允萬國咸寧然則嵩嶽神宗望玉鑿而來
禪天中仙族佇金駕以崇封實大禮一作之昌期膺告成
之茂典况神都為八方之極太室居五嶽之尊陛下垂統
紫微大昌皇運報功崇德允叶神心應天順人雅符靈望
皇圖聖業實在於茲臣等叨預克封允忘帝力竊聞聖人
封禪天下所以會昌山嶽成功皇壽由其配末臣等既為

陛下赤子又為萬姓慈親實願上報天功下順人望勒成
嵩嶽大顯尊名不勝慶幸之至

請許王公百官封太山表

張說

臣說等言臣聞聖人者與天地合其德故珍符休命不可
得而辭鴻名盛典不可得而讓陛下功格上玄後篇澤流
厚載三五之盛莫能比崇登封告成理叶幽贊故符瑞必
臻天意也書軌大同人事也菽粟屢登和平也刑罰不用
至理也今陛下稽天意以固辭違人事以久讓是和平而
不崇昭報至理而闕薦祖宗億兆之性集作猶知不可况
上帝臨照神集作宗顧後篇其可止乎願納王公卿士
列嶽縉紳之衆望廻命有司速定大典臣等不勝懇禱

昧死再拜集作上言

此篇又載六百卷今已削去

明堂

代家一作奉御賀明堂成表

崔融

臣某言臣聞昭昭一作明明上天五座列降神之府赫赫中國
允筵開布政之宮自軒皇肇制帝堯嗣作歷虞夏而惟新
在殷周而克壯斯在尊祖配帝從時統天節寒暑而吹律
順陰陽以班令降及有漢頗採前章雖年惟屢豐而日不
暇給過此以往寂寥無聲伏惟天冊金輪聖神皇帝陛下
興復舊邦光啓新邑萬物睹而聖人作百寶用而神靈滋
遠肅邇安功成道洽泥金刻玉紀脩中嶽之儀乘鸞駕龍

更葺正陽之禮乾策坤策具一作是稟宸聰左个右个親承

獻式朴畧淹中莫能言其制度崎嶇汶上疇克一作以効其

規模土事不文木事不鏤九柱自立豈藉瑯琊之飛二石

潛開寧煩救城之採板築星奔而化造斧斤風動而神助

聖有通於上帝產無費於中人由是日抱紅輝雲叢紫霽

霜毛下翥電翼群飛夕見神光似對莊嚴之國書聞仙響

疑過數一作妓非樂之天匪日而成衝霄特起仰浮圓笠俯鎮

方輿金鸞鷲而將飛玉驪龍而若動三辰引曜相望於複

道之間六氣氤氳旁魄於重檐之半可以發大教陳威容

會百神朝萬國比二儀而永固齊四序而偕行允所謂穆

穆皇皇巍巍蕩蕩者矣微臣攀光日用荷蔭天休接五尚

隆班霑九清之下列方圓罕任叨重寄之一作於程材輪之

補無施濫殊私一作恩於構廈仰之不逮雖謝於鴟翔成輒

相歡竊同於燕賀手舞足蹈倍百恒情無任悚躍之至謹

奉表稱賀以聞

一作皆唐類表

代百官賀明堂成上禮表 前人

臣某以下文武官若干人等言臣等聞上帝居高懸大

微之府先王建國闡宗祀之堂不有聖人誰其經始伏惟

天冊金輪聖神皇帝陛下尊祖揚禰嚴禋之德再光統天

順時布政之道尤急親紆睿思躬運玄模故能上合乾象

下當坤策柱將扶而已立石未鑿而懸開冊鸞躡一作於向

岐而遠至蒼蚪統棟疑出河而欲飛神光熠燿一作於向

...

晚仙樂清今而方晝月惟孟夏時屬正陽張文物於闕庭
震聲名於寓縣聖皇戾止諸侯在列穆穆焉顛顛焉交喜
氣於三靈動歡心於萬類者也臣等進窺朝典既逢嘗麥
之辰旋顧野誠輕襲獻芹之禮謹上禮若干舉如別項滋
踈鶴鼎一作味劣魚庖何以延蓬蒿之涼契芝英之壽無
任對懇之至謹奉表稱賀隨進以聞

九月十七日校正五十八字 藏園

文苑英華卷第五百五十六

文苑英華卷第五百五十七

表五

后妃

賀冊皇太后表四首

百僚賀冊皇太后禮畢表二首

鄭尚書賀冊皇太后表一首

賀冊皇太后及德妃表一首

中書門下請冊貴妃表一首

太子

賀傳位於皇太子表一首

請冊皇太子表二首

代宗讓皇太子表一首

爲揚州李長史立皇太子表一首

賀冊皇太子表四首

賀皇太子知軍國表牋二首

后妃

賀冊皇太后表

常袞

臣某言伏見八月二十六日制冊上皇太后尊號凡在生

靈不勝慶幸臣聞天地之因一作經所固一作因者本聖人之

德無加於孝故紹休以受命榮號以歸尊是用慶善奉慈

因親教愛也伏以皇太后法象太極是生兩儀光昭上元

以母萬物塗山降瑞華渚呈符照臨典禮示天人之慶一作

訓範裁成風化表戚屬之宗師詩云思齊太任文王以聖

則知祚我仁慶誕與睿哲穆穆明明有自來矣伏惟聖

文武皇帝陛下以皇道還淳以文明致理行三代之典一作

極教備兩漢之威一作盛儀逾年改元謁告清廟永言配命

殷薦圓丘大孝通於神明至化被於寰宇瞻戀慈訓尚未

遑安處奉徽章以崇位號嚴恭前殿陳布外朝萬國在庭

千官執禮冕旒端拱翼翼一作恭候一作金冊以拜興承瑞

寶而俯受聖理之至其道大光朝野同歡臣妾有恃言念

舊黨遂及姻聯褒德以殊榮推恩以序進華胄增貴外家

益尊固可以感動靈祇懷服戎狄豈止德教加於百姓仁

厚及於九族而已宜其煥列青史昭播鳴猷億萬斯年以

承多福臣所守有限不獲稱慶闕庭無任抃躍忻悅之至

謹遣某官奉表陳賀以聞一作皆類唐表

同前

劉禹錫

臣某言伏見制書以二月二十五日冊立皇太后盛禮畢

陳德音遠被一人有慶萬國同歡中賀伏以集作惟皇太后

稟靈作合集作配誕聖表祥徽號極域中之尊至仁為天下

之母陛下君臨有國子道無違長樂宮中未獻南山之壽

濯龍門上再揚東漢之風率土臣子不勝歡集作欣抃

同前

楊於陵

臣某言伏奉月日制書奉太上皇后尊號曰皇太后坤儀

鎮定孝德昭升大義冠於人倫盛德類表作禮光於史冊凡在

臣子不任抃躍中賀臣聞周室興王文母同其經理漢皇

嗣聖明德贊其徽猷伏惟陛下弘闡睿圖誕膺昌曆皇太

后宣明懿範超邁前脩家國慶靈慈孝交感堯門薦祉延

寶祚於無疆長信願神播歡心於率土由我愛敬致茲雍

熙何幸萬邦之人親逢千載之運臣叨承獎任職守藩條

阻拜彤庭雖遠於常典載馳丹懇倍過於恒情

同前

羊士諤

伏以某日誥命爰以令辰太上皇后光膺典冊盛化禮既行

中外同慶臣某中賀皇太后陰靈類表作母德降祥坤儀垂訓

堯門誕聖時逢寶曆之典彤管紀言道光內輔之業九族

承序萬國又安伏惟皇帝展禮南宮奉觴北極榮超簡冊

慶浹寰區凡在生靈孰不傾戴臣以遠守藩鎮不獲稱賀

二字類表作
拊舞闕庭

百寮賀冊太上皇后禮畢表

柳宗元

臣某等言今日日太上皇后冊禮云畢率土臣妾慶拊無

窮臣某等誠慶誠賀頓首頓首伏以太上皇后著嬪虞作

嬪虞之至德嗣母周集母之徽音表率六宮明彰萬國陛下

克脩理本以暢化源神道知事地之方人倫識尊親之大

豈為婦道集斯備陰理集用脩足以播正始於王集

國風致時雍於帝典臣等謬叨集榮位獲覩盛儀踴躍

之誠倍萬恒品

鄭尚書賀冊皇太后表

令狐楚

臣某言伏聞制冊皇太后七字一作臣伏奉五月二恩尊

日下歡動中天一作臣伏以皇太后坤德合符陰靈表慶

化光宮職道贊國風伏惟皇帝仁聖宅心文明恭已遵承

孝理嚴奉慈顏獻寶綬於內朝宣玉冊於中禁彰明順德

知陛下就養之勤表正母儀見陛下歸安之盛萬國所繫

四方是刑人一作臣之懇願既申品物之歡心斯洽臣叨

承寄任限守藩一作隅不及一作陪位闕庭拊舞稱賀無

任聳慶踴悅之至一作皆唐類表

賀冊太上皇后及德妃表

柳宗元

臣某等言伏奉今日日誥良姊王氏冊太上皇后良媛董

氏冊太上皇德妃宜令所司備禮冊命者母儀有光坤道

克集成作順陰教方行於萬國內理克和於六宮臣某等誠

慶誠賀頓首頓首伏惟皇帝陛下對若天休奉揚曆吉長
秋既登其品集作位輸狄亦洽集作於恩光奉養見三朝
之安周旋有四星之輔豈徒配乾稱大事集作日為明所
以表王化之源知孝理之本冠映千古儀刑四方臣等捧
戴施行踴躍無地無任蹈舞忻喜之至

中書門下請冊貴妃表

常袞

臣等言臣聞天文次星配以妃位帝宮內職守在一作王
化視公卿而命秩思賢才以審官蓋五禮之宗一作六義
之本也伏惟寶應元聖文武皇帝陛下紹興下一作武屬
當多難一日萬務親紆聖心初定群克尚多闕典紫庭分
理頃刻未遑彤管記言因茲而缺然則一作奉若天道以

陰而助陽御于家邦由中而及外今既三靈叶泰四海永

清宜舉舊章以行盛禮竊承一作壺制未正等威當熊之

德或聞於蘭殿貫魚之序無列一作於椒房固以一作叶

周南之風參虞汭之化豈使坤儀曠其取法陰教闕而不

脩雖則蘭在宸衷安敢默於誠請伏冀大明禮秩俾率宮

庭以厚人倫以風天下庶得外朝均政群望獲從無任懇

款屏營之至臣某誠惶誠恐頓首頓首謹言

一作皆唐類表

太子

賀傳位於皇太子表

庾信

臣某言伏見二月十九日詔傳位於皇太子昔者降居弱

水登庸有優劣之殊來朝櫟陽繼體有君臣之異不得與
夫天之兩日日之再中並曜聯輝重明雙照同年而語矣
伏惟天元皇帝惟聖作聖惟親尊親降意於與能鳴謙於
神器欲令百工相和先聞揖讓之風天下無爲早識吾君
之子是以運獨見之明行非常之事先天不違後天而奉
皇太子身貞萬國道照四門夙膺再命之符實允基天之
命非關復子明辟異於遷虞事夏既損既益尚或二天爲
離爲火何妨兩日且平陽蒲坂賢臣則二十五人顛項高
辛才子則一十六族與此計事何遽無成饗丑良切乎鼓
之軒乎舞之自當八風通慶雲聚五老同遊三星運曜豈
直雙龍再賜九雉重飛而已哉皇帝藐然姑射正當乘雲
馭龍問道崆峒豈復先秋木落臣生預堯年時逢舜日觀
惟新之慶實倍萬恒情

請冊皇太子表二首

于邵

臣聞立天下之本故受之以震明兩承統慶元有光期一作
斯萬國以貞而一人有慶也伏惟皇帝陛下受天明命尊
祖嚴配聖謨廣運禮秩咸若六親承式而理六合不論而
定伏以儲宮未立人望猶勤奉天順人事不可曠夙聞宣
王天資孝敬訓稟詩禮可以奉宗桃之重可以當匕鬯之
主朝三命宰則以安親前師後傳則以齒胄伏乞以時冊
命報慶天人然後啓承華以論道起博望而養德天下幸
甚天下幸甚臣等叅跡樞宥一作倍萬恒情謹奉表陳請

以聞

二

臣炎等言今月十六日敢以古儀請建皇儲伏奉恩命未
 垂允答受命競悚恍然失圖臣炎等惶恐頓首臣聞帝王
 之理必先體統而後正百度以臨四方脩人紀以符天道
 則居震守器重離繼明是先代行於天下也况尊宗廟而
 奉君親乎此而不先孰可先者陛下尚執謙德方勤庶政
 畧至公之務慎翼子之私是何小嫻而廢前訓今臣等不
 敢以歷代為擬且以國朝以來言之有若高祖義寧二年
 五月即位六月立建成為皇太子太宗武德九年八月即
 位十月立中山王為皇太子高宗貞觀二十三年六月即

位七月立陳王為皇太子

按新舊唐書并會要高宗未徵三年七月立陳王忠為皇太子

則祖宗垂範如示諸掌今抑而不立豈塞天下之望

十一

作今抑而不奉而當何奉之伏乞考百代不刊之典遂萬國元良之望天下幸甚

伏聞宣王以子

則嫡以家則孝天姿玉裕雅性冲深足以奉粢盛之重視
 朝夕之膳然則行一物而三善皆得者建儲之謂也臣等
 不勝大願懇請之至

代宗讓皇太子表

常衮

臣某言臣聞君父之命誠不合辭臣子之心固無所隱

之則有累天鑒辭之則有負國貞在無隱而不言雖稟命

而非孝臣所以省躬審分讓德推賢瀝懇上聞臣嚴亟請

冊誠罔感皇睠來

疑作未

昭戰競失圖精爽飛越臣某誠惶

誠恐頓首頓首伏以國之上嗣古曰元良觀象于天應前
星之環極取法于地視少海之朝宗必訪耆龜以承主鬯
臣幼非樂善長未好儒慈獎特深愚蒙不易教之羽籥有
昧樂章訓以詩書終迷義府遊勸四老才乏五官人莫係
心德非守噐項者外統群帥內錄尚書竊懼任榮以憂官
謗今謬塵博望猥辱壽春位登青宮禮絕朱邱且乖人望
載黜朝經循名責實未足承天之序捨長立賢亦猶行古
之道伏惟陛下博求公議允納微誠更擇溫文俾膺繼紹
遠想伯夷之讓用升季歷之材至公大行天下幸甚無任
懇迫屏營之至謹奉表陳讓以聞臣誠惶誠恐頓首頓首
爲揚州李長史賀立皇太子表 蕭穎士

臣某言伏奉制書皇太子以今月嘉辰肅膺典冊少陽輔
德前星耿耀凡在生靈預增慶幸臣聞立嗣必子愛爰徵古
訓惟賢乃建式固宗祧周漢以還憲章未改伏惟開元神
武皇帝陛下嚴祗寶祚光啓睿圖則哲其難至公有在惟
天爲大萬邦所以作貞如日之昇重離所以增煥况瓊枝
挺秀玉葉資神允釐鹽撫儀形雅頌春華秋實嘗俯俟於
嘉言一物三善諒行稱於至德固以靈祗叶贊景命昭宣
馳道之前猶應著令寢門之外方候問安臣忝貳藩條局
守官次不獲預倍大禮稱慶闕庭延首承華以欣以抃

賀冊皇太子表

張九齡

臣言伏奉今月二十日制冊立皇太子者伏以皇太子天

實生德曆哲夙備爰以吉辰光膺盛典伏惟開元神武皇
帝陛下建儲固本體天合聖萬方之心永貞是屬一人有
慶大賚斯在臣某待罪南郡不獲稱慶闕庭欣躍之誠實
百恒品無任悚躍一作之至謹遣所部官宣義郎行
枝江縣尉楊崇先奉表陳賀以聞臣誠喜誠抃類表作誠
歡誠喜
頓首頓首死罪死罪謹言

同前

呂溫

臣某言伏見十月十二日勅伏承皇太子以四月二十一
日冊命禮畢光紹前典惟懷永圖神人允諧動植咸賴臣
某誠歡誠抃頓首頓首臣聞燕翼貽謀帝王之大孝立嫡
主器禮易之明訓伏惟皇帝陛下克明駿一作德恢纂鴻

休武功有成文理既定然後弘三王之教論建萬國之元
良凡在生靈孰不慶幸臣守官荒服稱賀無階竊抃嶺隅
倍萬恒品無任感悅屏營之至謹奉表陳賀以聞

同前

劉禹錫

臣某言伏見冊皇太子盛禮斯畢德音遐宣萬國以貞庶
類咸悅中賀伏惟文武孝德皇帝陛下體元立極垂訓御
時既闡王猷思安國本前星位定拱宸極以昭彰蒼震氣
宣與天地而長久禮光七鬯澤被華夷宗祚有無疆之休
生靈懷莫大之慶臣恪居官次遐守巴南不獲稱慶稱賀
集備關庭臣無任踴躍之至

百寮賀冊皇太子表

柳宗元

臣某等言伏奉今月二十四日制廣陵郡王宜冊為皇太子改名某仍令所司擇日備禮冊命者天序有奉皇心載臣寧某等誠慶誠賀頓首頓首臣聞商書載以貞之文漢史傳早建之義不惟立愛其在繼明陛下奉率前規敷揚盛典顧茲守器之重爰正承華之位尊義方之教載錫嘉名崇建樹之禮式光典命以長而立自符於慎擇必子而選遂合于至公邦本不搖王業彌固此皆宗社垂祉啓佑皇心乾坤叶集作合謀保安聖運足以播休氣於四海洽太和於萬靈食毛含齒所同歡慶臣等奉承制命蹈舞周行不任歡抃之至六字集作踊躍之誠倍百恒品無任慶抃感悅之至謹奉表陳賀以聞

此篇元誤編在六百三十五卷狀門今移入于此

賀皇太子知軍國表

令狐楚

臣得上都進奉官狀報伏承七月二十八日詔旨軍國政事權令皇太子勾當者中賀伏惟皇帝陛下大明御寓至孝自天霜露既濡想園陵之漸近雲霞是仰悲弓劍之方遙內感深衷外勉類表作煩庶政由是推赤心於俊乂委寶曆於元良宣明兩曜之光崇重萬國一作邦之本與夫遊神姑射義豈同風養道大庭禮誠異日天下臣子不勝慶幸臣限以所守不獲拜候闕庭無任屏營之至

賀皇太子知軍國牋

前人

臣某牋伏見七月二十八日皇帝宣詔後篇作詔旨軍國政事並權委皇太子殿下勾當者後篇有右字伏以皇帝陛下躬勤

黼宸志奉山陵後篇作恭後篇類慕積中殷憂發外瞻九

廟之重須有繼承以萬機後篇為煩期在宴息伏惟皇太

子殿下日躋睿哲天縱欽明繼丕業而克曆重昌嗣鴻名

而文功累盛事有光於徃古慶類表實被於殊方率土臣

心後篇不後篇任欣戴臣限以後篇鎮守遠在方隅不後

未獲倍慶後篇宮庭抃舞稱賀瞻戀踴躍之至謹奉牋以

聞

此篇六百二十七卷重出今已削去

校四五十二字

九月十七日

文苑英華卷第五百五十七

文苑英華卷第五百五十八

表六

賀赦一

為崔冀公賀赦表一首

禮部賀改永真元年表一首 為宰相賀赦表一首

賀上尊號後大赦表一首 賀赦表十二首

為崔冀公賀赦表

揚於陵

臣某言送赦書使某人至伏奉月日恩制大赦天下臣聞

獻歲之初也惟天所以布和將以發生萬類故降之春雨

俾澤及群品也明后始立也惟君所以使施令將以昭蘇萬

國故降之以大赦蓋與人更始也伏惟陛下道叶千齡克

膺聖嗣光乘八葉式纂鴻休則高天以布和法文明以施

令故大赦天下殊澤霈然德及群生宥加殊死薄賦棄債恤孤養老不頒瑞物所以戒驕也節省其用所以防侈也卑宮菲食所以昭儉也黜邪去佞所以懲惡也任才用能所以勸善也賞勞錄効所以報功也睦親敦族所以明孝也招諫納言所以聞過也尊賢容衆所以興化也三事用殷六府孔脩九功既備無得而稱四海乂安斯為盛矣矧夫省不急之務損太官之膳外廢五坊內減六宮釋鷲鳥於長林縱猛獸於深谷俾鳥獸咸若黔黎用康舉五帝之闕遺行三皇之聖化自三皇兩漢以來無可比也臣權叻連帥職守藩隅備位明朝幸逢昌運不獲與千官接武稱慶闕庭無任

禮部賀改永貞元年表

柳宗元

臣某等言伏奉今日詔集作詔命今月九日冊皇帝改貞元二十一年為永貞元年自貞元二十一年八月五日昧爽以前應犯死罪特降從流流以下迺降一等者寶命方始聖曆用彰載宣昭臨之明遂施渙汗之澤臣某等誠慶誠賀頓首頓首臣伏以類表作惟重光下濟積慶旁流類表作流行漢祖推奉教之尊文王遂無憂之志正名紀曆表運行於萬方宥過輕刑流汪濊於四海歡呼抃蹈遐邇攸同臣某等親奉聖暮仰承大化踴躍之至倍萬恒情無任蹈舞欣慶之至

為宰相賀赦表

就南郊撰進

臣某等言伏奉今日制書大赦天下者臣與百執事奉揚
 宣布與億兆衆舞抃一作舞歡呼自天降和率土同慶臣某
 誠歡誠抃頓首頓首伏惟皇帝陛下出震御極建元發號
 大明升而六合曉一氣薰而萬物春肆眚措刑滌瑕蕩穢
 凡在圖首納於歡心矧又祗祀天地孝享宗廟蠲減租債
 策徵賢良褒德及先賞功延嗣敬賓養老念舊睦親生人
 之積弊盡除有國之類網必振况陛下承二百祀鴻業之
 重纂十二聖耿光之初始奉嚴禋新開寶曆天下之目專
 然觀陛下之動天下之耳顛然聽陛下之言斯則陛下出
 一言不終日必達於朝野舉一事不浹辰必聞於華夷當
 疲人求安思理之秋是陛下敬始慎微之日苟行一善則
 可以動人聽而歌舞况其衆美信足以感人心而和平康
 哉可期天下同慶臣等謬居重任幸屬休明慙竊股肱喜
 深骨髓歡抃悚躍倍萬常情無任鼓舞慶幸之至

賀上尊號後大赦表

臣某言伏奉某月日制書大赦天下跪捧宣命蹈舞歡呼
 自天降休率土同慶臣某誠歡誠抃頓首頓首臣聞玄功
 盛德非鴻名不能形容物厲人疵非皇澤不能蕩滌自非
 上聖莫能兼之伏惟元和聖文神武法天應道皇帝陛下
 纂承大業子育群生信及豚魚威殲梟獍削平寰海混一
 車書億兆一心願崇大號從人欲而俯膺盛禮暢時和而
 廣洽鴻恩蠲減賦租振拔淹滯命黜陟以別臧否開諫諍

而策賢良宿弊必除舊章咸舉帝王能事盡集於今凡在
生靈孰不幸甚臣諤當委擢職奉詔條抃躍之誠倍萬日
品限以官守不獲稱慶闕庭無任鼓舞慶幸之至

賀赦表

崔融

臣某言臣伏奉久視元年十月十日墨制以二月為正大
赦天下服周之冕衣冠混於無外行夏之時正朔覃於有
截伏惟皇帝陛下天地合德曆數在躬交日月於龍躔會
風雲於鳳紀取新之化首出於九皇除舊之恩曲成於庶
類加以載懷孝享肅事天田休聲動於萬國盛禮懸於百
代比在形氣孰不昭蘇微臣慶偶時來榮沾日用同草樹
而知樂類鳥獸而增歡跡雖限於一隅心每馳於雙闕

舞昌運倍百恒情不任屏營之至謹附賀正使某官奉表
稱賀以聞

賀赦表

此下六表英華以為李邕作按邕天寶初卒而六表在代宗德宗憲宗時故英華五百五十九卷有重出一表題云李吉甫又唐類亦然今從之

李吉甫

臣某言伏奉某月日制大赦天下至德純茂鴻私溥洽中
臣聞聖人紹統必建元良王者郊天是崇嚴配伏惟寶應
元聖文武皇帝陛下嗣守鴻業光膺駿命奉先思孝誠已
達於幽明立嫡以長義仍深於燕翼皇猷允塞墜禮咸甄
俯弘作解之恩式布惟新之令若乃絛瑕蕩穢雷雨之施
也茂時育物天地之仁也薄征弛力政理之源也錄功念
舊敦勸之方也加以躬儉節用捐珠棄玉執喪者伴從達

禮繫獄者咸釋明刑啓進善之門開一作廣直言之路德殷
虞夏義掩羲軒凡在宥刑孰不欣悅

同前類表作貞元二十一年賀大赦表前人

臣某言伏奉二月二十四日制書大赦天下德洋恩溥遠

洽邇安億兆欣欣罔不幸甚臣某誠歡誠喜頓首頓首伏

惟陛下體元聖之姿膺出符之運類表及後篇作纂奉昌圖光膺寶曆統理

萬事建中于人躬大禹之菲薄奉後篇作本玄元之慈儉損已

以益下約身而愛人捐珠玉而不玩斥綺類表麗而不御

事有妨於農業物有害於女工人力所疲上心攸蕩自此

罷黜歸于典常若乃投荒禦魃之倫觸網嬰羅之類或炎

裔淪屈骨肉相從或因囹圄幽囚饋餉不至皆陽和所未煦

雨露所罕一作未霑靡不沐浴天波昭覩白日然後表捐軀

之列所以勸忠廣自棄之仁所以敦孝虔奉寢廟輟玉輿

之資惠緩市估發金錢之積異類均懷土之志高年加挾

續之恩斟勸泉貨之源變通惠利之弊逋債咸已謹直必

容如天之湛恩廣矣稽古之能事備矣彼鶉衣之徒類表

貽背之叟孰不擊中衢之壤共樂於堯年詠太階之符同

躋於壽域况臣謬當共理職在撫循欣後篇作抃之誠倍萬

恒品不任踴悚後篇作悅之至謹遣當州軍事衙前虞侯王國

清奉表陳賀以聞臣某誠歡誠喜頓首頓首謹言

此篇五百五十九卷重出今已削去

同前 前人

臣某言伏見制書大赦天下以今年正月一日改為元和元年者臣聞行慶布和允光於獻歲履端居始實屬於元正將大有以惠人乃順時而布令法五始之要流恩而降澤統三微之曆觀象而建元正朔所加遐邇忻戴中賀伏惟皇帝陛下大孝嗣業鴻猷啓圖順天地而發生均日月而齊照馴洽飛走煦育生靈既承太宗文武皇帝之耿光稟保壽天皇之嚴訓百神饗德萬國宅心敷作解之澤布維新之典將致和平蠲京畿之逋債言念水旱薄江淮之征賦開羅網以宥過崇勲秩以賞勞弘褒酬之典澤被幽明旌忠烈之臣賞延於代闡庠序以勸學懲耆艾而加禮恩覃有截化洽無垠超溢虞夏掩映軒頊首出千古遐冠百王億萬斯年永荷天祿臣謬當任用分鎮藩維不獲奔赴闕庭親覩盛禮

同前

前人

臣某言伏奉某月日恩制大赦天下一人百慶百度惟新戴天履土罔不欣抃中賀臣聞天地元功施雨露以育物帝王繼統昇日月以垂耀群品資始萬方文明伏惟皇帝陛下嗣守鴻業光膺駿命淳化均於四序大德合於二儀保寧社稷光宅區宇弘孝慈以御下崇恭儉以垂休恩覃浹旬事冠今古沉乃順時布政乘春導和敷作解之恩宣在宥之典九族既睦四門廣闢而又洗滌幽繫雷雨之施也歸還流竄羅網之釋也移叙貶黜覆載之仁也蠲除逋

債政理之源也褒寵勳賢激勸之方也廢金寶之貢有以彰儉德也搜遺逸之士有以表至公也元勳宿將賞延子孫庶尹卿士榮周存沒廣直言之路啓進善之門德超虞夏道掩軒頊必將平一殊俗發揮大猷億萬斯年永荷天緒臣謬當任用述職藩維不獲奔赴闕庭臣無任云

同前

前人

臣某言伏奉今日日赦詔自上下下由衷尊尊參天地之大名貴聖文之崇號休氣宛秀彌漫雲天煙景昭華光融草樹臣誠歡誠踊一作再舞再蹈者有以副萬國之歡情增九廟之炳靈矣臣聞孝子事父誠奉其色忠臣事君將順其美皆疑殊外獎情實內發超邁盈耳之言適會因心

之義所以然也伏惟陛下道弘一德功蓋四時辰象曷以煥其文雷霆無以雄其武固以業振今昔事溢名言雖僉臣子之謀莫究圓方之廣所謂塞元命起兆人群岳騰聲長河變色宜其雷振於地慶蟄戶之出幽日飛於天賀霄極一作之開朗是以神魚載舞祥鳳載鳴况於人靈况於榮位乎徒張三寸之舌不足以談聖猷空捐七尺之軀不足以報明主無任大慶欣抃倍百之至謹遣所部宣德郎某奉表陳賀以聞臣某誠惶誠恐頓首頓首

同前

前人

臣某言伏奉七月三日冊皇太子詔書大赦天下臣聞元良者宗祀之本枝赦宥者含育之全德伏惟陛下赫然光

大日昇於天嶷然崇高岳鎮於地萬齡爲度壽物咸春東
海注百川之朝北辰列衆星之拱笑龜鶴之將老朝龍鳳
之未伸但以禮備儲宮德刑廣物挺黃沙之罪再荷生成
洗白玉之瑕俱承渙汗中外一命錫無戰之勳壽考百年
調不耕之粟莫不抃舞帝極頌歌聖慈萬歲之聲夷夏一作
華合聽九成之樂天地同懽臣父沐鴻恩竟無上答悅豫
之至倍百恒情謹因進樂使其陳賀表以聞

同前

獨孤及

臣某言中使其至宣示赦書大赦天下者臣伏以作解宥
過前王之茂典嚴配享神聖朝之縟禮非大孝無以肅祗
宗廟非洪勳不得告承天下伏惟皇帝陛下誕敷文德昭
烈武功鋪於八埏橫被四海拯兆人之疾苦恢累聖之洪
業代叛問罪電發王師爲人除災爲時誅惡陛下恬神凝
慮儲道蘊德以義制事以欲從人雷霆之震也心不怨於
兇戾元惡之戮也勳不書於簡策淡泊功德陰隲萬邦大
哉聖王之爲君也無德而稱矣頃者賊臣伺梟鏡之變翠
華巡遊四方愁冤百神震駭誅剪大憝清復闕庭事不稽
於浹旬慶已延於億萬接踵之禍又起近郊犬羊猖獗相
繼夷滅然後舉墜典脩禮文鑿革繁苛搜揚嘉遁自上古
之所不聞前聖之所未賓稀毓而來悅我聲教掃除氛沴
日月載貞大安反側上下交泰而又發德音降明詔歸過
罪已降去鴻名含生動植許遂其性草木知感况在人倫

今以履端之初先陳盛禮豐絜簡易應時順人展敬於郊壇薦誠於清廟丕昭列聖咸秩神祇臣聞之仲尼曰明乎郊社之禮禘嘗之義是陛下德合祖宗道符三五慶于祉福與天無疆鴻私湛恩溥施萬國洗蕩痕垢咸使維新牢獄空虛囚拘蕩滌禎祥鬱于川瀆嘉氣塞于乾坤天下臣妾不勝慶幸

同前

前人

臣某言伏奉今月某日制大赦天下恭承恩詔宣布藩隅負瑕累者咸荷生成被傷痍者如蒙覆育中賀臣聞春以首時蓋本於陽德澤以周物取象於鴻私伏惟皇帝陛下出震繼明體元立極作解施惠會順時致和問安禮備於三

朝班朔恩加於九有猶念刑不可變死不復生泣辜與茲納隍軫慮與民更始其命惟新禦魑魅者復還係桎梏者咸宥丹檄一作激無滯黃沙已空踈漢網而遠無不賓祝湯

羅而下無犯順雖水旱繫於常數每惻憂勤以征賦本於黎人載加蠲貸應天以實推已以誠疇庸懋能自家刑國或圖舊以延賞或錫類以崇先日月遍燭於幽明雨露不私於中外舊章備舉墜典咸秩崇儒術所以弘教化旌孝義所以厚時風憫耆耋而廩賜有差廢橫斂而凶荒是禦皆歷代哲王之茂典今陛下一作而行之洋洋聖謨曠所聞見雖虞帝之孝殷后之仁垂拱而人無間然韃橐而兵不復用方於今日未足比崇臣幸屬昌期謬領藩服官

惟責實未効消埃之勞賞及無功亦洽一作渙汗之寵拜恩竊抃倍萬怕情

同前

劉禹錫

臣某言伏奉今月一日制書改太和十年為開成元年大赦天下者雷雨作解人神悅隨澤及八荒網開三面臣某誠歡誠喜頓首頓首伏惟皇帝陛下上承乾綱下立人極用含弘光大之德集作副華集作夏會同之心獻歲改元惟新景祚先明首罪次及群妖述睿情以曉萬方施鴻霽以蘇庶物恤刑集作宥過已責弛征郡縣之舊弊悉除賦稅之新規咸備停藩方節獻之禮以惠疲人迴摧筦餘羨之財以資京邑命使展澄清之志察言求讜直之材弓旌

賁于丘園粟帛頒於耆至集作爰以初告御于明庭德音

一發於九天和氣驟同集作於四海開物成務實表於建

元應天順人永延於億載臣幸居近輔先受殊恩不獲稱

慶闕庭陪榮班次眾星列位常拱北辰之尊集作新歲拜

章遙獻南山之壽無任抃躍屏營之至

同前

令狐楚

臣某言臣伏奉今月十一一作日制書玄德融明聲聞於

宗廟鴻名光大充塞於乾坤與物皆春大赦天下臣當時

宣流渥澤騰布耿光恩均而萬物昭蘇慶洽而三軍鼓舞

中賀臣聞覆載無私天地所以為大德照臨不已日月所

以為大明六位因時以成功一代一作觀象而設教肇自

古昔垂為憲章伏惟睿聖文武皇帝陛下並日而明配天
為大冠三皇之道弘十聖之風保合大和緝熙帝載是以
廓清氛霧曾不累旬一作處奉郊禋未嘗虛歲百蠻梯航
以內面萬國歌舞而宅心所謂巍乎其有成功煥乎其有
文章也尚復勞謙一作席勤恤納隍釋纍繫一作責之幽囚無
分輕重歸遐遠之放逐不問存亡棄遺債一作責於窮人戒
多求於貪吏憫朔邊之介士厚其寒衣恢武功也褒闕里
之胄嗣一作賁以布帛振文教也推恩而九族既睦行慶
而六師用張忠貞必表於門閭耆耄遍蓋其牢醴百神咸
秩一物不遺安人之所未安理人之所未理天波渙汗綸
旨一寧有以知天地覆載之二有以見日月照臨之德天

下臣妾不勝慶幸臣限守藩結臣不獲稱慶闕庭無任抃躍
欣賀之至謹遣某官奉表陳賀以聞 一作皆唐類表

賀赦表後篇作爲鄭尚書賀登極赦表

前人

臣某言伏以類表二月二十四日制書大赦天下若霽澤

自天鴻恩匝後篇地三軍萬姓不勝慶躍後篇日聞天地

至大或有所不容日月至明後篇猶後篇或有所不煦伏惟皇帝

陛下體元繼統垂象立極齊軒昊之玄化冠唐虞之至仁

敷大號於天中揭明暮於日下臣以為覆載之德大於天

地矣照臨之光明於日月矣何則用刀鋸而伏斧鑕者無

重無輕陛下捨之投豺虎而禦魑魅者無遠無近後篇陛

下移後篇之免逋宿履後篇畝之租罷雕華任土之貢

出後宮之伎樂還外國之俘囚褒崇先首於二王敦叙旁

周類表於九族明徵義烈各錄其裔後篇作悉數忠勞

遍增其爵級宜股肱之力者賞延於上後篇作效瓜牙之任

者賜出於中搜淪滯之才遷又次之秩聘士既尊於經術

問年必本於期順一作幽隱一作而不遺雖細微而皆後篇

必及歡聲雷動喜氣雲騰百姓知聖人之仁萬物覩聖人

之作普天率土無不慶幸臣叨居藩服累沐後篇恩榮作將

舞欣歡倍百恒品所守有限不獲稱慶闕庭臣及後篇將

士官吏百姓等無任踴躍屏營之至

此篇五百五十九卷重出今已削去

文苑英華卷第五百五十八校正六十四字九月十七日

文苑英華卷第五百五十九

表七

賀赦二

為建安王賀赦表一首 為益州刺史賀赦表一首

賀廣德二年大赦表一首

賀永泰改元大赦表一首

為譙郡唐太守賀赦表一首

代路冀公賀改元赦表一首

賀平賊赦表一首

賀南郊大赦表一首

賀貞元大赦表一首

代常中丞賀元和赦表一首

代杜司徒賀大赦表一首

禮部賀冊皇太子禮畢赦表一首

賀冊太子赦表一首 為監軍賀赦表一首

為鄭尚書登極赦表一首

中書門下賀赦表一首 賀德音表二首

為建安王

武攸宜為同州刺史

賀赦表

武后富嘉謩

臣某言今月七日奉十月二十三日制書大赦天下日者

關輔之地鑾輅曠遊山川望幸積有年歲是以西土耆老

東首累祈濬城隍宮室考舊邦之式稱長安之盛福應

旋

一作還

至嘉穀屢

一作

故奉時無違乘輿乃降六龍大動群

方咸悅蓋三光增曜而漢祚隆萬戶加嚴而高居壯紫宸

端拱朝諸侯而垂統鴻霈

一作寢

流恩申三宥而作典浹

遐邇孰不抃躍

臣

寄重軍州地連肺腑載覃天恩不勝愧

豫無任踴躍之至謹奉表陳賀以聞謹言

為益州刺史賀赦表

中宗

閻立均

臣某言

臣

伏奉二月二十二日制書大赦天下恭惟大賚

踴躍無地

臣

聞德至於天禎符幽感業齊於聖神物昭光

伏惟應天皇帝陛下纂復睿謨祗定天保英茂開聰聖之

體文章煥皇王之烈

一作烈

道

一作疑

祿錫胤卜食延休順天

翊聖皇后垂耀軒轅命兆沙麓明章教訓以致其功陰祗

助宣於陽靈坤德承順於乾道是故貺流椒掖慶發瑤筵

祥裔五靈

一作祥

絳冊黃而振色禘榆六服合黼藻而融

文皇歡載紆滂澤時降洗滌通穢洽潤資生

宥

死之

惇榮加命婦之爵凡在區宇孰不載欣臣忝貢二方岳化理
篋聞叅一物而霑恩蔭同列以稱慶無任下情蹈舞之至
云

賀廣德二年大赦表 代宗 元結

臣某言臣伏奉某月日赦某月日宣示百姓訖伏惟皇帝
陛下以慈惠馭兆庶以謙讓化天下凡所赦宥皆允人望
凡所敦勸皆合大經生識之類不勝大幸臣方領陛下州
縣守陛下符節不得稱慶下位蹈舞闕庭不任歡戀之至
謹遣某官奉表陳賀以聞

賀永泰改元大赦表 代宗 前人

臣某言某月日恩赦到州宣示百姓訖百姓貧弱者多勞
苦日久忽蒙惠澤更相喜賀歡呼抃躍不自禁止伏惟皇
帝陛下增脩典禮弘正紀度勞謙慈惠與人更新此實興
王之盛烈明聖之至德載履天地誰不慶幸臣方鎮守州
縣不得蹈舞闕庭無任歡欣之極集作謹奉表陳賀以聞
為譙郡唐太守賀赦表 獨孤及

臣某言伏奉二月五日制書大赦天下喜氣動天榮光被
物鬼集作神踴躍衆庶悅豫臣某誠歡誠喜頓首頓首臣

聞天類未道所寶莫先於慈聖人之德無以加孝陛下執

大象以御物不得已而用兵假一戎之威為萬物戡難再
造區宇以康黎元慈之至也纂服配天不失舊物然後增
鴻名以嚴父正榮號以恭已元元本本尊尊親親孝之大

也猶慮物有不遂其性政有不阜於俗弘肆青之恩與天下更始滌瑕蕩穢燭幽及微風行物表鏡照海內雷作而萬戶蟄振網開而三面鳥飛陽春無私品物何幸臣位忝邦守預沐渥類表恩無任抃躍之至謹奉表陳賀以聞

代路冀公賀改元赦表

王綽總目作縉

臣某言伏奉某月日制書大赦天下改元罪無輕重一皆蕩滌率土生靈孰不歡抃臣聞生植長育天地之大德在宥布和后王之盛典伏惟皇帝陛下以道御時與天合運當文武之際恢中興之功轉黃道而三象昭明鼓洪鑪而二儀貞觀方告成於郊廟且降祉於人神而猶旁詢時議中守謙德爰輟盛禮載布湛恩正元氣以紀年惠一作人

心而垂化緩死申柔服之義念功宥脅從一作制之徒然後用唐虞官人之訓追周漢考績之法節用所以厚下懋賞所以勸勞誠明動天地利澤施四海大易云神武不殺太上稱仁方之聖猷實有懋德臣諺專方鎮獲奉明詔疲劣何幸沐浴皇風欣抃之至倍萬恒情云

賀平賊赦表

戴叔倫

臣某言伏奉某月日制書大赦天下雪滌痕累發生枯朽榮光被於草木和氣貫於華夷含生之徒罔不胥悅臣聞氣沴為妖蒙蔽二曜而祥風掃蕩無損日月之光狂逆亂常震驚四海而玄功戡定不虧天地之大伏惟皇帝陛下文武繼聖聰明在躬協堯舜之心崇禹湯之德清廟禮展

圓立敬申猶顧已以求瑕布恩澤以滌一作原過康哉沛乎
虞夏之盛典也臣忝職藩條實慙尸曠徒積歲星茂聞化
理望九重而稱慶齒百辟以霑恩瞻戀闕庭慶快之至

賀南郊大赦表

德宗

呂頌

臣某言伏奉去年月日制書禮展郊禋告成上帝一作展

郊立

恩霑動植道洽幽明東風變而四海春聖帝一作人

而萬物覩懷生庶類罔不歡抃中賀伏惟皇帝陛下體元

立極撫運受圖御一氣以乘乾飛六龍而出震德合天地
明齊日月叶三光之幽贊承八聖之睿謀頃者國步未康
王室多難兵纏禍結害及生人塵飛寢園燧燭郊甸陛下
乘時順動鑾駕南巡凡在食土之毛圓首之類豈一作莫不

號天向闕望氣瞻星遂得猛士雷奔義旗雲合西戎自効
北狄爭驅一舉而氛祲掃清蹙勞而寰宇大定則知千年

降聖天命有歸六合奉尊神器斯在今農郊罷戰邊徼無

虞九有一作眼偃戈八一作萬方同軌荷皇慈之覆育知聖祚

之靈長匪人革心罔不咸率陛下勤禹湯之罪已法堯舜

以爲心肅恭神明虔奉宗廟損抑徽號憂濟黎元始自迎

長之初大申報本之禮冊勳旌舊列爵分官宥死緩刑掩

骼埋齒粟帛周於耆老一作臺奠酌及於幽寃天覆海濔與

人更始釋羸俘於死地俾異域而生還赦枯木之嚴刑蠲

執弓一作及之常賦臣及三軍百姓變夷酋長等伏讀制書

沐浴玄澤莫不喧呼抃躍蹈舞徘徊絕徼窮荒盡沐生成

之造翮飛蠢動俱承雨露之恩臣限以藩守不獲稱慶闕庭無任踴躍慶抃之至一作皆唐類表

賀貞元大赦表

已見五百五十八卷

李吉甫

代常中丞賀元和大赦表

憲宗

柳宗元

臣某言伏奉正月二日制書大赦天下永貞二年宜改為

元和元年者太陽既升煦育資始霽澤斯降膏潤無遺臣

某誠慶誠賀頓首頓首伏惟皇帝陛下仁化旁流孝理弘

闡紀元示布和之令肆青見恤人之心曠然滌瑕得以遷

善渙發大號申明舊章農有薄征市無強買集作價勲勤是

錄爵秩以集作已班寵寧問於幽明澤必周於夷夏近甸輕

權酷之入遠人忘水旱之災既行慶於官類表寮亦推恩

於天屬諸生喜黌塾之廣庶老加絮帛之優量入所以備

凶興廉期於變俗爰褒有客尊賢之典惟新載奉素王宗

予之道斯在綸言一降庶政畢行懷生之倫感悅無量臣

某守在遐遠親奉詔條踴集作踊躍之誠倍百恒品無任感

恩抃舞屏營之至謹奉表陳賀以聞

代杜司徒賀大赦表

憲宗

呂溫

臣某言伏奉集作見今月二日制書改元元和大赦天下新

雲雷集作雷兩之澤重日月之光仁被幽遐慶覃動植三元經

始萬化惟新臣某誠歡誠抃頓首頓首臣聞義軒馭字類

表堯舜為君德莫盛於好生政莫弘於在宥然而事資體

要理極精微百王所難千載斯遇伏惟皇帝陛下纂臨大

寶光啓睿圖當獻歲之元順陽和集作春之氣朝前殿御正

門發德音布慈旨明大孝之本褒至忠之後省役輕集作徭損

稅以清疾苦之源蕩累滌瑕以厚廉耻之俗徃典之所未

舉前代之所未該莫不悉出宸衷咸歸聖政坐聞仁壽之

域行集作行見雍熙之朝集作期凡在生靈孰不慶幸况臣陳

力滋集作歲又受恩最深而蒲柳餘年犬馬多疾不獲奉觴

丹陛蹈詠康衢猶蒙天眷留賀聖慈曲至特降中使俯加

慰勉衰憊增氣枯朽生光施重丘山感深骨髓闔門灰粉

豈足上報無任喜抃集作懼屏營之至

禮部賀冊皇太子禮畢赦集作德音表柳宗元

臣某等言伏奉今日制書皇太子冊禮云畢恩與萬方同

其惠澤者盛典斯舉鴻恩遂行凡在率土不勝抃躍臣某

等誠喜誠賀頓首頓首伏惟陛下克奉神休以正邦統建

天下之本宗廟以安致萬國之貞兆人休賴典冊既備慶

澤載流既廣愛而推恩亦好生而布德緩刑而曰固知感

進勲而嗣續增榮崇教諭之方忠良是舉嚴贊相集作褒之

禮賜與有加旌孝悌以厚於人倫敬鬼神而脩其祀事况

行禮之日則屏翳收蹟太陽宣精用彰出震之休更表重

離之耀神化旁暢皇風遠揚自華及夷異俗同慶臣某等

謬參著定倍百恒情無任歡慶踴躍之至

賀冊太子赦表 令狐楚

臣某言伏奉今日制書皇太子冊禮云畢恩與萬方

同慶

同其惠澤者國慶遐宣天波曲被懷生之類咸共欣榮中

賀臣聞德教所加一人有慶元良既立萬國以貞伏惟皇

帝陛下至化旁流神功廣運以為義莫重於主禮無大

於承祧考古揚前星之光順人類表弘少海之澤誕敷明

詔宣告庶萬英華作萬國非雷初動於地中風已行於天下類表

由是哀矜罪戾甄獎功勳類表作動勤表順孫孝子之門秩名

山大川之祝仁無不覆惠無不均草木惟繇鳥獸咸若率

土墀子不勝慶抃臣限守藩鎮不獲陪位闕庭踴躍稱慶

無任屏營之至

為監軍賀赦表
前人

臣某言今月四日節庭及使伏奉制書大赦天下者渙汗大

號滂沱鴻恩降自九天被於四海懷生之類無不慶躍中

賀臣聞天地之大德本於生成聖人之全功在乎化育伏

惟皇帝陛下至明立極大聖統天法貞觀之宏規纂建中

之盛業降哀矜於罪戾一物不遺頒寵贈於忠勤萬方皆

及事遵儉約道在寬弘散作仁風灑為膏澤率土闔下不

勝歡喜臣限以監守未獲奔走稱慶闕庭不勝戀結欣戴

之至謹遣某官某奉表陳賀以聞

為鄭尚書賀登極赦表已見五百五十八卷前人

中書門下賀赦表憲宗令狐楚英華作獨孤及非

臣某言伏見今日制書御冊鳳門大赦天下者明照六幽

澤流九有臣等誠歡誠喜頓首頓首臣聞履幬書生成乾坤

澤流九有臣等誠歡誠喜頓首頓首臣聞履幬書生成乾坤

澤流九有臣等誠歡誠喜頓首頓首臣聞履幬書生成乾坤

之盛德疆理化育帝王之極功伏惟睿聖文武皇帝陛下
受天元符纂聖光宅躬夏禹之勤儉體帝堯之聰明除惡
必絕其根耀武威而四凶既殛制政皆循一作脩其本振文
教而百度惟貞今者東風發春元日獻歲凝旒視朝於正
殿步輦臨御于應門開麗鴻之湛恩孚渙汗之大號萬物
瞻覩兆人允懷至若移其放逐解網一作生之仁也弔彼傷
殘納隍之義也罷開市之征稅足以弘聖人厚下之風褒
卿士之祖先足以廣聖人追遠之孝潛蟄一振槁根一作根
盡榮普天率土不勝慶幸臣某等謬司樞務虔奉德音喜
抃之誠倍百恒品無任慶躍屏營之至

賀德音表憲宗

前人

臣某等言伏見今月二十八日制書普類表安群生憂濟

庶士每念下農艱苦賑紅粟而流行知貪賈滯財禁青蚨

之飛走千官聳聽萬國欽聞中賀臣聞損有餘補不足太

上類表作之教也歛以輕散其重哲王之制也肇自古昔

垂為憲章其或法因情遷事與時異則物力甚屈人心用

咨是故書載行之惟艱史稱守而勿失伏惟睿聖文武皇

帝陛下紹興丕圖光啓鴻業勤恤人隱精知化源以為麥

禾雖登農食猶歉布帛大賤女工必傷因發生之時下慈

惠之詔清問疾苦昭宣令宜嚴除暴征令已逋責首自京

國達于淮湖三方雖遙如視以宸鑒萬機類表誠衆皆經

於睿心自然事耕桑者忘四體之勤游市井者樂一朝之

便慶共雲布恩隨風翔率土之內不勝慶類表幸臣等叨
逢聖運類表預作皆列班榮攀日月之光無能獻替遇雲雷之
澤空荷霑霑捧戴德音不任抃躍屏營之至

賀德音表 文宗

劉禹錫

臣某言伏見今月十六日德音布告遐邇邇天道下濟人情

大安 中賀伏惟皇帝陛下凝旒思理垂衣擇材以日月無

私之光照寰區有截之內貴使下情盡達寧虞厚貌潛謀

一昨李訓鄭注等敢有逆心兼連兇黨陛下睿謀神斷左

右協同集作頃刻之間掃除已定重臣畢力禁旅竭忠氛

稷廓清華夷咸悅言念政刑之外或有註誤之徒再發德

音廣宣聖澤當星紀迴天之日迎陽和煦物之光懷危疑

者如山之安欲告訐集作者望風知懼非同謀者一切不

問未結正者三宥從寬含生之倫普天同感臣恪居官次

不獲稱賀闕庭臣無任

此卷英華所編失年代先後之次序今正之

校四三十二字 九月十八日

文苑英華卷第五百五十九

文苑英華卷第五百六十

表八

賀赦三

為李中丞賀赦表一首 為潤州太守賀赦表一首

為吉州太守賀赦表一首 蘇州賀赦表一首

代鄜州太守賀赦表一首 為李諫議賀赦表一首

連州賀赦表一首 代鄭尚書賀太后禮畢赦表一首

為汝南公華州賀赦表一首

為京兆公陝州賀南郊赦表一首

為汝南公以妖星見賀赦表一首

為李中丞賀赦表 玄宗幸蜀時

蕭穎士

臣某言中書省馬崇至自蜀郡伏奉八月一日制書大赦

天下罪無輕重咸蒙洗滌覆宗之辜亦賜原有惠澤決於存沒恩榮被於一作出處聲動夷夏氣感風雲含齒戴髮

孰非幸甚鑠哉沛乎虞后肆赦義文作解之盛典也臣某

中賀臣聞乾靈肇運亭育萬方其德至普而或水旱流行

氛沴表見然後蕩之以祥風煦之以和氣而品物熙焉聖

人立極平章庶政其道至明亦或四凶在朝三苗逆命然

後寘諸嚴刑被以文德而官方正焉伏惟開元天寶聖文

神武證道孝德皇帝陛下續戎累聖惟新舊服天成地平

萬邦作又德禮備舉符應爰臻下加有一作下四一作紀一作

粵四于茲矣由是嚮明端拱齋居玄默布大信於群后絕

孛疑於織芥狐鼠憑依倣擾天紀陛下垂泣辜之旨降勤

郵之令將士勵節黎庶歸仁咸思赴蹈指期蕩定開泰之

辰計不忘遠臣又聞之昔上皇御辨祗車巡於谷口盛漢

膺運賓族奮乎關中蓋風謠尚武可以大殲醜類會昌建

福可以永保邦家前古休期復見茲日臣嘗叨近侍謬佐

藩牧千里景從不及扈遊之觀百城風靡空懼分憂之責

魂馳井絡戀結巴渝無任感激悅豫之至

為潤州太守賀赦表代宗 柳識

臣某言臣聞元氣氤氳生成道達聖王教化恩煦流行自

昔仁壽之時皆同寬大之典伏見五月二十九日恩制昭

洗庶獄廓清萬寓億兆欣戴人神叶心臣某中賀伏惟寶

應元聖文武皇帝陛下體元立極至德提運俗阜和平之

理天垂景福之祥故得年穀大豐五兵不用倉廩既實禮
義興行此已道合一作洽義軒功格天地陛下聖德之至勞
謙恤隱猶慮淳風未溥惟咎或多務寬典刑以廣覆載當
一陰始生盛陽用事言念冒犯慘酷幽閉囹圄降玄猷渙
汗之恩贊朱明長養之氣而使省躬者自新有路懷生者
得遂其情枯朽重沐陽和雲煙助為喜色元元感戴皆見
聖明一作慈遇此昌時生靈何幸臣忝述職字人不任抃舞
欣躍之至

為吉州太守賀赦表德宗

臣某言伏奉今日日詔書大赦天下禹湯罪已霑澤既同
昇浞負恩姦謀自蹶中賀伏惟陛下以大聖匡難弘慈御

物而賊臣棄義乘亂一作登敗常爰幸近郊方勤遠略改元

更始統曆惟新猶復惕厲懷柔誠明引咎務好生之德恩

覃萬類遵泣辜之典罪止元兇振廢滯而片善無遺安反

側而群邪革慮損去徽號帝堯之克讓也貶徹服御大禹

之師儉也罷摧筦之利征賦就恒正封略之侵干戈繼息

辟賢致理疏爵報功減冗官而祿秩有倫優死事而存歿

知感喜氣充於六合仁風被於八荒孰非昭蘇罔不率俾

自然假息之孽輿櫬就誅改轍之徒束身請命八龍旋軫

萬國來庭不勞王者之師重集康哉之化臣忝守藩維不

獲稱慶闕庭抃躍之至倍萬恒品云

蘇州賀赦表憲宗

柳宗元集無

臣某言伏奉二月十三日勅下垂拱臨軒親受典冊大赦天下與人更始中賀伏惟元和聖文神武法天應道皇帝陛下用人情為田播殖萬類細徹妙靈通幽神洗滌危疑開釋罪罟酬勞而盡傾府帑貶用而大減租入逋負除而餒者自活力後省而耕者倍功繼絕存亡忠賢飲德於黃壤棄暇肆青奪魄再麗於遺骸極天地之歡心盡帝皇之上事疲史臣之筆編簡難書涸詩人之思謳謠絕路臣摠集黎老伏讀德音不寤微生坐階仁壽不勝慶抃之至
宗元未嘗為蘇州此篇當考

代鄜州太守賀赦表

臣某言伏奉月日制書大赦天下鴻恩至德曠古無鄰喜

氣休聲韶光共茂化流海外澤及荒陬震雷作解於九霄
渙汗霑敷於萬國生靈交感動植增榮中賀伏惟陛下天
覆地載昭升聖謩執契垂衣財成庶品搜百王之墜禮舉
三代之嘉猷明達四門駿奔九有揭天綱以齊衆理運斗
極以示群方精微於玄造之源拯救於蒼生之弊釋繯械
於囹圄徵遺逸於丘園矜水旱所沴之方慎牧宰重難之
選蠲苛已責崇德報功有典必禋無文咸秩普天率土飛
翔所加俱臻仁壽之鄉一作共載乾坤之德臣忝承戎寄
職列藩隅雨露之恩草木同慶

為李諫議賀赦表

臣某言伏奉今日二十四日制書大赦天下恩覃九有化

被萬方至仁與陽和並舒大霈一作霈澤隨雨露借潤凡在品

彙莫不昭蘇臣某中賀臣聞天地功成是先煦育皇王立

極必治洽好生所以書著青災傳稱肆赦將其更始咸與惟

新廓氛霧於八紘凜塵霾於四裔幽隱有感動植懷恩朝

野交歡率土胥慶恩覃有截惠及無垠固天縱之知四門

已闢聞日躋之敬百度惟貞凜雪舊痕蕩除宿負宥赭衣

之罪得辨平人洗白玉之瑕復為重寶唯才是急仄席搜

揚阜俗為期常賦蠲滌悉中賦以贍經費罷別進以息疲

黎錫死事之官封幽明知感禮高年之粟帛老幼又安班

爵以勞勤叙親以脩睦貌貅之士累洽洽恩私縉紳之徒同

榮慶賞返縲囚於異域出閉幽於深宮感人心而理定體

乾道而化光澤及華夷仁霑草木含生之類孰不欣歡歌

一德之心邇遐齊貫傳萬國之慶上下同聲祥光若浮瑞

氣可覽億兆所未見古今所罕聞臣某備列班榮親覩盛

禮踴躍兢抃倍萬恒情無任慶悅之至

連州賀赦表

憲宗

劉禹錫

臣某言伏奉今月一日制書大赦天下者聖德廣運浹一作

洽于華夷天光下臨照被英華作被非幽蟄臣某誠歡誠躍頓

首頓首伏惟睿聖文武皇帝陛下神扶寶祚天贊鴻猷意

有所之事無不克當淮甸類表作右凱旋之後是域中慶幸之

時順陽和以發生施霈澤於寰海網開三面危疑者許以

自新照達四聰駁累者期於錄用求碩畫於庶位慮遺材

...

於放一作微臣旌忠烈之家賞勲庸之胤後非仁及枯骨

無隔於寇戎榮加顯親普類表霑於存歿恤刑已責實廩

蠲類表徭頒錫彰有客之詩崇儒叶宗予之望嶽瀆咸秩

耆艾欽和大僚承任子之恩武旅類表荷賜金之寵斯皆

禹湯文武之遺美高祖太宗之耿光集于聖朝然後大備

德音所至和氣隨之歡謠上徹於九天福祚永延於億載

能使遠夷屈膝豈唯小醜革心率土人臣不勝大慶臣又

辭闕下恪守海隅犬馬之誠倍百恒品無任抃躍屏營之

至

代鄭尚書賀冊太后禮畢赦表

令狐楚

臣某言伏奉五月二十八日制書十字一作伏審皇皇太

后光膺茂典誕受鳴獸一作恩恩榮一作恩加慶賜覃被率土中

臣聞天子以德教而兆人慶賴明王以孝理而百姓一作神

和平伏以皇太后秉德陰凝體仁坤厚弘是一作于內則順

于先朝道配軒皇之尊功參文母之盛伏惟皇帝陛下孝

承丕緒仁嗣寶圖則天之明事地以察昭彰慈訓光啓尊

名發德音於上玄流惠一作霈澤於下土臨疎網者許其臧

等養高堂者錫以加封粟帛遍霑於耆年門閭必表於仁

里是一作悉懷生庶類行道群心非獨親親一無其所親無

不長人之所一無長湛恩布護盛禮豐融信可通一作乎神

明而光一作于四海天下臣子不勝慶幸正限於鎮守遠在

方隅不獲躬請闕庭抃舞稱慶無任聳踴慶幸之至

此篇從唐類表而以英華本爲一作

爲汝南公華州賀赦表

李商隱

臣某言伏奉正月九日制書南郊禮畢改元爲某大赦天下者奉郊禋以定天位新曆象以授人時乾健商明震動允悅豈行喙息罔不慶幸臣某中賀臣聞禋昊天而旅上帝者聖人集作王之重事覃殊休而發大號者哲后之洪猷故必致四圭以達誠制六噐而申敬將崇嚴配必在元旬先之以蒼璧騂牲重之以雲門大呂然後王猶有闕於薦敬爽彼告虔周官三代之文絕而不續漢氏萬靈之位失而莫尋豈若皇帝陛下以大道遂群生以至公臨寶祚上苞玄象下惣皇祇黜幽陟明興廢繼絕靈芝甘露鄙之而

不告史官赤鴈白麟陋之而不編瑞牒然後因孟春集作

擇集作卜上辛率于國南式是歲首且天以陛下爲子故必

饗明誠人以陛下爲天故必流睿澤踰千越萬邁五登三

何則取集作致直言之科則聽輿論者不足算設有過之令

則除鄉議者未可儔延賞推恩用以勸禦災捍患之士城

租退責將以矜水耕火耨之人養庶老頒淖糜煖帛之資

走群望絜剝牲瘞幣之禮古不覩者復覩古不聞者復聞

萬蟄蘇而六幽盡開五又藏而九土咸闢臣當時集軍州

官吏等丁寧告示訖况臣嘗備論思獲叨侍從當時仙禁

慙視草以無能此日泰壇望給薪而靡及徘徊旬服踟躕

關城雖有慶於文明竟無階於奔走司馬談闕陪盛禮沒

齒難忘蕭望之頌立本朝馳魂莫極無任抃舞結戀之至
為京兆公陝州賀南郊赦表 前人

臣某言臣伏奉正月九日制書郊禋禮畢改元為某大赦
天下者既事虞郊復新堯曆天潢馮潤日觀揚輝普天率

土罔不慶幸臣某中賀臣聞君人之孝莫大於尊祖王者
之敬孰踰於事天固必用因高之儀申嚴配之禮百神集

做叙萬靈昭集有乃可覃殊恩渙大號禮成而德備惠敷
而慶弘然而秦尚武功先禘禘之事故柴燎蕭齋未必饗

漢稱文物重神仙之道故雲門大簇未必和既不講於禮
官終致譏於儒者伏惟皇帝陛下與春生育並日照臨究

三代之質文酌百王之損益定午位卜上辛齊潔之誠先
掃除而遐達孝思之志叶氣臭以升聞然後推作解之恩

降惟新之令設科以招諫諍宥過以務哀矜已責既卹於
三農錄勲無遺於十代頒粟帛而養耆老走牲幣而徧山

川舉皇王之廢官盡古今之能事臣當時集軍州官吏丁
寧告示訖况臣嘗奉恩光叨君華顯當太史撰日之際猶

立漢庭及宗伯相儀之時已辭魏闕怙悵郡印徘徊使車
徒深傾藿之誠實積懸瓠疑作之歎邵公邑內敢思棠樹

以追蹤尹喜宅中唯望靈符之復出臣不勝慶幸踴躍之
至

為汝南公以妖星見賀德音表 前人

臣某言臣伏奉某月日德音以妖星謫見思答天戒者臣

當時集軍州官吏丁寧宣示訖仁深覆載恩極照臨究祖
 宗之令圖極皇王之盛事圓首方足罔不欣慶臣其中賀
 臣聞覆載莫大於天地而升集作騰降之氣或不按照臨莫
 大於日月而薄蝕之度或有差豈唯休咎之徵自是陰陽
 之事旋觀彗索載考策書雖欲為災曷嘗勝德伏惟皇帝
 陛下荆枝載茂棣萼重輝既居正以體元亦觀文而察變
 仰窺星彩稍越天常於是深軫皇情重廻宸睠省躬之懼
 洞感於幽明及物之恩畢霑於華夏戒田遊則成集作湯
 祝網之意釋冤滯乃大禹泣辜之慈罷去脩營惜漢氏十
 家之產勸課耕耘一作耘復周邦九歲之儲德已厚矣仁已
 極矣然猶避寢自責撤膳貽憂以此延休何休不至以茲

備患何患能為足以高步三王平窺百古鞭撻守成之主
 粃糠中代之君抑臣又聞之昔貞觀之理也太宗文皇帝
 吞蝗而災沴息太岳之封也玄宗明皇帝露坐而風雨銷
 炯戒猶存神靈未遠陛下永懷貽厥有切欽承為其所不
 為至其所不至佇見地泉流醴天酒凝甘人知朱草之祥
 家識白麟之瑞又豈芒角足懼晷度可憂者哉臣素之器
 能謬當任使東雍西岳雖首化於百城日遠天高但心存
 於雙闕聽金石而慙殊舞獸無羽翼而恨異真鴻唯當虔
 奉詔條頒宣德澤成陛下無偏之道畢臣盡瘁之勤所
 冀不寘簡書免拘司敗如其禮樂非臣所能無任感恩戀
 闕懇悃屏營之至

校正二十四字

九月十八日藏園老人記

文苑英華卷第五百六十終